



LIMPOPO

MFUMO WA XIFUNDZANKULU
RHIPHABULIKI RA AFRIKA-DZONGA

NDZAWULO YA
MAFUMELO YA NTIRHISANO,
MATSHAMELO YA VANHU NA TIMHAKA TA NDHAVUKO

2024-2025

KU ANDLALA MPIMANYETO

Facebook live streaming: @Limpopo Coghsa Official



The heartland of Southern Africa- development is about people.



**MBULAVULO HI RODGERS BAYISIKOPO MAKAMU HI NKARHI WA KU ANDLALA
MPIMANYETO WA VHOTI YA 11 YA NDZAWULO YA MAFUMELO YA NTIRHISANO,
MATSHAMELO YA VANHU NA TIMHAKA TA NDHAVUKO EKA HUVO YA
XIFUNDZAKULU XA LIMPOPO XO ENDLA MILAWU, TINDLU TO ENDLA MILAWU TA
LEBOWAKGOMO.**

15 MHAWURI 2024

“KU TAVA NA TINDLU, VUHLAYISEKI NA NTSHAMISEKO WA VANHU HINKWAVO”

Muchaviseki Xipikara na Xandla xa Xipikara

Muchaviseki Phirimiya ya Xifundzakulu, Dok. Phophi Ramathuba;

Ximokonkulu na Xandla xa Ximokonkulu xa Vandla ra Nhlawayonyingi;

Vatirhikulorhi eka Huvokulu;

Swirho swo chaviseka swa Huvo yo endla Milawu eka Xifundzakulu;

Swirho swo chaviseka swa Palamende na NCOP;

Vachaviseki, Vameyarankulu na Vameyara va Timasipala;

Vurhangeri bya SALGA eka Xifundzakulu;

Mutshamaxitulu na Xandla xa Mutshamaxitulu wa Yindlu ya Vurhangeri bya Ndhavuko wa Limpopo, ku katsa Komitikulu hinkwayo;

Vurhangeri bya Xifundzakulu bya CONTRALESA;

Vachaviseki va hina va xindzhuti na Tindlu ta Vuhosi leti nga kona;

Vurhangeri bya Vandla leri Fumaka, African National Congress,

Varhangeri va Mavandla yo Kaneta;

Vayimeri va NHBRC, RISIMA, na HDA;

Vatirhi va CoGHSTA lava rhangeriwaka hi Nhloko ya Ndzwulo, Dr. M. Malahlela;

Swirho swa Vuhangalasamahungu leswi nga kona;

Vuyeni lebyi rhambiweke na Vatekaxiave va Tindzwulo;

Vanghana, Vamanana na Vatatana;

Masungulo

Loko hi hlangana laha namuntlha eka n'hweti ya Mhawuri, hi anakanya hi nkoka wa magoza lawa vamanana va ya endleke emigangeni ya hina. A ku ri eka n'hweti leyi hi 1956 loko vamanana va kusuka ematlhelweni hinkwawo ya misava va ya hlangana swin've eka Nghwirimokulu wa vamanana kuya Union Building, va nga chavi va koxa ku herisiwa ka milawu ya ntshikelelo. Vamanana lava a va nga ri na ku navela ka nkarhi wa vona ntsena kambe va va andlale masungulo ya ntshuxeko lowu namuntlha hi tiphinaka ha wona.

A hi hatliseleni eka 2024, a hi tlangeli ntsena leswi vamanana va swi fikeleleke emigangeni ya hina kambe na vurhangeri bya vona. Hi tinyungubyisa hi mhaka ya leswaku hina Phirimiya, Muchaviseki Dok. Phophi Ramathuba, na Xipikara xa manana, Makoma Makhurupetje, loyi a rhangelaka yindlu leyi yo chaviseka. Ku humelela loku i vumbhoni bya malembe ya 30 ya ntshunxeko na xidimokirasi xa leswi tiko ra hina ri tiphineke ha swona naswona ri le ku yiseni emahlweni ku ti phina.

Tanihilaha ndzi boxeke hakona eka Mbulavulo wa Mpimanyeto nkarhi lowu nga hundza eka Yindlu leyi yo Hlonipheka hi Nyenyakulu lembe leri, mafambiselo ya Vunkombo (7) ya Mfumo wa Xifundzakulu xa Limpopo ya hi fikerile. Leswi swi hi nyika xivandlanene xo andlala minonganoko na tiphurojeke leti nga ta cinca vutomi bya vanhu va hina eka xifundzkulu, loko hi ri nkarhi hi andlala hi fanele hi mikarhi hinkwayo hi tiyisia leswaku yi pfuneta ku ndlandlamuxa ikhonomi na hluvukiso wa xifundzakulu xa hina na vanhu, tanihilaha swi boxiweke hakona hi muchaviseki Phirimiya loyi a nga veka nhluvukiso wa ikhonomi ehenhla ka nongonoko wa swirhangisiwa swa hina.

Nongoloko wa1: Mafambiselo

Muchaviseki Xipikara na Xirho

"Ha hari endleleni yo aka Vukorhokeri bya vaaki bya vuswikoti na xiphurofexinali lebyi endlaka leswi hi rhumiweke swona na ku tihlamlela eka vanhu va Afrika-Dzonga..."

~ President Cyril Ramaphosa

Ndzawulo yi yisa emahlweni ku aka vuswikoti bya le ndzeni ku endlela kuva na nhlangano wo tshamiseka na ku tirha kahle lowu kotaka ku endla leswi wu rhumiweke swona. Eka lembeximali leri hi nga le eka rona hi navetisile makumentlanuntlhanu (55) wa swivandlanene leswi pfulekeke leswi katsaka Swandla swa Mulawurijenerali (DDG) swimbirhi swa xiyenge xa Timhaka ta Ntirhisano na Mafumelo ya Nhlanganelo. Ku siviwa ka swivandla leswi swa tiDDG swi ta hi pfuna loko hi yisa emahlweni ku kongoma ku seketela na ku antwisa matirhelo ya timasipala na ku tiyisisa nseketelo wa hina eka Vurhangeri bya Ndhavuko eka xifundzakulu.

Ndzawulo yi kumile mavonelo ya oditi yo basa hi mbuyelo kusuka eka oditajenerali. Swirho swo chaviseka swi fanele ku tekela enhlokweni leswaku hambiloko mbuyelo wa oditi wu nga cincangi, ndzawulo yi antwisile na ku hunguta leswi a swi tshikileriwa eka xiviko xa oditara. Ndzawulo nakambe yi fikelerile ku andlariwa ka nkamboyamo ka Xitatimente xa Lembe na Lembe xo pfumala swisolo. Leswi swi yise eka nawumbisi wo tengu lowu lulamiseriweke lembeximali ra 2023/2024.

Nongoloko wa2: Matshamelo ya Vanhu yo Nhlanganelo

Muchaviseki Xipikara, “Ku tava na Tindlu, Vuhlayiseki na Ntshamiseko,” Tsalwa ra Ntshunxeko

Tindlu ti ta tshama ti ri phuphu ra xindzuti ta ximunhu na xikombo xa nkoka xa ku humelela ka vaaki. Ku tiyimisela ka hina eka swintshunxo swintswa eka matshamelo ya vanhu yo nhlanganelo swi yisa eka magoza ya nkoka eka ku phakela tindlu eka hinkwavo, hi ku kongomisa ea mitlawa yo tanihi Khale ka Masocha yo lwela Ntshunxeko.

Ku susiwa ka marilarila na nsivo

Hi endle ku humelela ko vonaka eka ku herisa tindlu ta misava na ku siva malwangu ya marilarila, ku tiyisisa leswaku vanhu va ka hina va tshama eka mbangu lowu vusirheleriweke na ku hlayiseka.

Xiyenge xa vumbirhi xa ku susa na ku siva wa malwangu ya marilarila ya 755 swi sungurile, ku fika sweswi malwangu ya (20) ya siviwile eka kotara yo sungula eka lembeximali leri.

Ejentenkulu yi thoriwile ku hetisa xiyenge xa vumune xa phurojeke ya CRU eTalani, –Tzaneen, leyi vumbiweke hi tiyuniti ta 452. Vuxokoxoko bya tidizayini byi amukeriwile xinkarhana, naswona PAu le hetisiseni ka mpfuxeto wa dizayini

Phurojeke ya CRU ya Makhado – Tshikota, leyi vumbiweke hi tiyuniti ta 118, yi hete 50% wa mitirho ya le hansi, laha ku nga nghenisiwa na nkululo na mati hi 21% na & 7%, hi ku landzelelana. Ku langutela ka hina hi leswaku eku heleni ka lembeximali leri, ntirho wo tala wu tava wu endliwile. Vanhu va le ka Tshikota a va yimele phurojeke leyi nga ta cinca vutomi bya vona naswona hi tshembisile ku va nyika yona.

Phurojeke ya CRU Marapong, leyi vumbiweke hi tiyuniti ta 514, sweswi yi le ka 81%, na tiyuniti ta 419 leti nga na malwangu. Hambiswirato, phurojeke yi langutane na ku hlwerisiwa hikwalaho ka ku cinca ka vutihlamuleri kusuka eka ejentenkulu (PA) Ku yisa eka Xipano xa Mpfxeto xa Phurojeke (PRT) xa mafambiselo. Ku engetela eka sweswo, matirhelo yo biha ya n'watikontiraka ya hoxe xandla eka ku hlwerisiwa loku.

Ndzawulo na Nhlanganelo wa Timali ta Tindlu wa Rixaka yi ta endla modlolo na phurojeke ya Altoostyd (Nhluvukiso wa Matshamelo ya Vanhu wo Hlanganelo wa Joe Slovo).

Eka tiphurojeke ta miako letikulu ta 26, 12 tikumeka eka timasipala ta A leti vumbiweke hi xifundzatsongo xa Sekhukhune, Capricorn na Waterberg District. Eka Yuniti F eLebowakgomo, laha nakambe ku tivekaka tanahi Makotse, n'watikonitiraka u le ku gingirikeni hi ntirho wa le hansi ku hoxa tiphayiphi ta nkululo na mimbhovo ya tisoreji; naswona dyondzo ya matihansi ya Rossenekal, ku lunghisiwa ka mati yo borhiwa na nkuguhatu wa tiphurojeke swi le ka 98%kuya ku heleni.

Papila ra Vun'wini

Ku tatisa, hi kongome ku hundzisela mapapila ya vun'wini, tanahi yin'wana ya tiphuphu ta nkoka eka ntirho wo nyiketa matimba eka miganga. Hi ku nyika vanhu va ka hina vun'wini bya tindlu ta vona, a hi le ku va nyikeni ntsena ndhawu yo tshama eka yona; hi va nyika xiphemu xa mapapila ya vun'wini bya tiko ra hina. Vanhu va ka hina va nga tirhisa vun'wini byitsongo ebangi ku tirha tanahi xikhomelanandzu loko va lomba mali.

Madoroba ya migodi

Ndzawulo yi ta seketela hi matimba mpfuxeto wa madoroba ya migodi ya ntlhanu lawa ya hlawuriweke: Lephale, Thabazimbi, Mogalakwena, Elias Motsoaledi, na Fetakgomo Tubatse. Kongomisokulu wa hina i ku hlувukisa miako ya nkoka ya mati na nkululo exikarhi ka timasipala leti. Eka lembe ximali ra 2024/2025, nkavelo lowu tlulaka R200 wa timiliyonu yi vekeriwe tiphurojeke leti eka madoroba lawa hinkwawo. Tiphurojeke leti ti le ka swiyimo swo hambana swa ku simekiwa, hi ku humelela ko hetiwa ka Ndhawu yo Basisela Mati ya thyaka ya Motetema eka kotara yo sungula ya lembeximali leri hi ntsengo wa R26.7 wa timiliyonu.

Masocha ya Khale

Ku akiwa ka tindlu ta 132 ta masocha ya khale ku le kuyeni emahlweni, hi ku humelela ka ku hetiwa ka 22 wa tindlu leti eka kotara yo sungula lembeximali leri. Yindlu yin'wana na yin'wana ley i hetiweke a yi nyiki ntsena vutumbelo kambe yi tirha tanahi xikombiso xa ntiyiso xa malwandla, ku tiyisia leswaku masocha ya hina ya khale yana ndhawu ley i vuriwaka ekaya tanahi xikombiso xo khensa vunhenha na ku tinyiketela ka vona.

Ku kuma Misava

Ndzawulo yi veke kongome ku kuma 20 wa tihekitara ta misava eka lembeximali ra 2024/2025, hi R12.6 wa timiliyonu ta mikavelo yo hlayisa misava ley i tshameke kahle yo hlanganelo, yisa emahlweni matshamelo ya vanhu, hi ku kongomisa ko hlawuleka eka Tindhawu ta Nhluvukiso wa Tindlu leti Rhangisiweke Emahlweni (PHSHDAs) na Tizoni ta Ikhonomi yo Hlawuleka (SEZs).

Misava yi hlawuriwile eMakhado na le Polokwane, leswi nga ta seketela Mihluvukiso ya PHSIDA na SEZ, hi ku landzelelana. Ajensi ya Nhluvukiso ya Tindlu yi nyikiwe matimba yo hlela na ku kuma swiphemu swa misava ley. Ku tatisa, ndzawulo yi amukerile Angulo kusuka eka Ndzawulo ya Nkwama wa Timali ta Tiko hi ku kuma misava ya Musina. Ku vulavurisana kuya emahlweni exikarhi ka Ndzawulo ya Mitirho, Magondzo na Miako, na Ajensi ya Nhluvukiso wa Tindlu swi le ku fambeni kahle ku pfumelelana eka ndlela ya vupimankoka.

Ku endla ximfumo matshamelo ya nkaximfumo

Ndzawulo yi veke xikongomo xo endla ximfumo nkombo wa tindhawu to ka ti nga ri ta ximfumo eka lembeximali ra 2024/2025, hi mpimanyeto wa R8.4 wa timiliyon i eka timasipala ta Mogalakwena, Fetakgomo Tubatse, Maruleng, Greater Tzaneen, na Modimolle eMookgophong.

Nongoloko wa3: Mafumelo ya Ntirhisano

Muchaviseki Xipikara na Swirho

“Eka ku dizayina tiko rin’we ra xidimokirasi ra hina, hi tivise mfumo wa ntirhisano ku tiyisisa leswaku swiyenge swinharhu swa mfumo swa tirhisana ku fikelela swilaveko swa vanhu va hina.”

~ President Cyril Ramaphosa

Kongomiso wa hina eka mfumo wa ntirhisano wu kongome ku tiyisisa leswaku timasipala ti fumiwa kahle ku phakela vukorhokeri bya masungulo eka miganga ya xifundzakulu xa hina. Ku antwisiwa ka matirhiselo ya timali ta Giranti ya Miako ya Masipala i vumbhoni eka ku tiyimisela ka hina ku aka miganga yo antswa. Ku fika hi Khotavuxika 2024, R 3.148 wa tibiliyon i yi tirhisiwile, leyi yisaka eka 94.4%. Mali leyi yi tirhisiweke yi le henhla ka ya Khotavuxika 2023 (88.3%) hi 6.1%. Ntsengo wa R 186.316 wa timiliyon i wu tirhisiwanga. Ku hlangahata Modlolo wa Nhluvukiso wa Xifundza (DDM) ku yisa emahlweni ku va xirhangana, tanihilaha ku sindzisaka ntirhisanolulu exikarhi ka mfumo, ku tiyisisa leswaku swipfuno swi tirhisiwa hi ndlela yo vuyerisa.

Eka xiymo xa timasipala, hi amukela haswimbirhi, ku humelela na mitlhontlo leyi nga kona. Nkoka wa timasipala leti tirhaka swinene a swi nga tshikeleriwi, tanihiloko timasipala ti ri mfumo wa levhele ya le kusuhana na vanhu. Timasipala tina vutihlamuleri byo sindzisa nhluvukiso eka miganga ya ka hina tanihilaha Muchaviseki Phuresidente Matamela Cyril Ramaphosa a tshikeleleke hakona loko a pfula Palamende leswaku “Timasipala ta hina tifanele ku va haswimbirhi, vaphakeri va vukorhokeri bya vaaki na vakondleteri va ndlandlamuko wa ikhonomi yo hlanganelo”.

Muchaviseki Phirimiya u swi vekile erivaleni eka Yindlu ley iyo Hlonipheka leswaku mphakelo wa mati eka miganga ya hina swi fanele kuva emahlweni hi mikarhi hinkwayo. Mpfhumba ra "HiNwaMatiFridays" ri ta simekiwa eHomu 14a eka Masipala wa Greater Giyani hi Ravuntlhanu walowu, mundzuku hi ti 16th Mhawuri hi ta hlanganisa xifundzakulu hinkwaxo, ku simekiwa miako ya mati lawa ya nga ta herisa vusiwana bya mati eka vanhu va Limpopo. Loko mati ya ri vutomi, kutani sweswi i nkarhi wo endla leswaku ya khulukela eka mindyangu hinkwayo.

Ku yisa emahlweni timasipala ti languteriwa ku yisa switatamente swa timali swa lembe na lembe ha wun'we wun'we emahelweni ya Mhawuri 2024.

Eka lembe leri hundzeke, hi tekile magoza ya nkoka ku antwisa tirhelo ya timasipala ta hina eka tindhawu ta hina tanahi Thabazimbi, Musina na yin'wana, hi tivise xikongomo xo nghenelela leswi nga sungula ku twala mihandzu, hambiswiritano, Thabazimbi yi tshama yiri ntlhontlho wa mafambiselo na wa swa tipolitiki. Masipala wu vekiwetihlo kuva wu vuyiseriwa eka matirhelo leswaku wu tirha vurhumiwa bya wona wa swa vumbiwa hi ku nyika vukorhokeri bya nkoka na ku yisa emahlweni emigangeni.

Hi ta burisana nkarhi na nkarhi na oditara wa le handle mayelana na mbuyelo lowu va wu kumeke, na Tikomiti ta Tinkota ta Vaaki va Masipala (MPAC) yi ta vekatihlo eka ku humelela. I swa nkoka eka timasipala ku tixaxameta na milawu ley i letelaka mafumelo ya timali ya masipala. Mhaka yo vilerisa i ku tshembela swinene eka vatsundzuxi hi timasipala, naswona hi swona leswi endlaka leswaku hi pfumelelana na Phuresidente wa Afirika-Dzonga Muchaviseki Cyril Ramaphosa loko aku, "hi ta veka tisisiteme ta ku tiyisisa leswaku vanhu va vuswikoti na ku thwasela va thoriwa eka swiyimo swa le henhla eka timasipala". Swin'we na Nkwama wa Xifundzakulu, hi tirha ku lulamisa mhaka ley i, leswaku hi vanhu lava thwaseleke mitirho ya timasipala ta hina nkwama lowu tirhisiwa eka vatsundzuxi wu nga ematshan'weni ya sweswo wu kongomisiwa eka ku lulamisa mitlhontlho ya mphakelo wa vukorhokeri ley i langutaneke na miganga ya ka hina.

Mafambiselo ya swa Makhombo

Muchaviseki Xipikara

“A hi nga swikoti ku yimisa makhombo ya ntumbuluko kambe hi nga tihlomisa hi vutivi: Vutomi byinyingi a byi nga ta lahleka loko kuri na kutilumisela eka swa makhombo. Van'wana vanhu a va lavi ku cinca, kambe u fanele ku amukela ku cinca loko cincano wuri khombo.”

Ritshwa ro hangalaka na xifundzakulu hinkwaxo, na ku onhaka lokukulu eka tindhawu to tanihi Tzaneen, Waterberg, tintshava ta Modjadjiiskloof na le ka tindhawu tin'wana. Swipano swa hina swa Mafambiselo ya Makhombo a swi tirha hi matimba, ku angula hi xihatla na ku tiyisia leswaku miganga yi lemukisiwile hi swa ritshwa, susumeta mukhuva wo papalata xungeto eka mitlhontlho leyi. Hi komberile vaaki ku tshama va rindzile, endla vusirheleri bya nkoka, na ku tirhisana na vukorhokeri bya xihatla ku hunguta ku hangalaka ka ritshwa leri onhaka.

Timhaka ta Ndhavuko

Swirho swo chaviseka

“Hi nga pfumeli leswaku tihosi ta hina ti nga vi xiphemu xa xa maendlelo ya xidimokirasi, hi fanele ku kuma xintshunxo lexi nga ta fambelana kumbe ku seketela milawu ya xidimokirasi lexi xi pfumelelaka leswaku tihosi ta hina tiva na xiave lexikulu eka swiyenge hinkwaswo swa mfumo,” Nelson Mandela, Malembe ya yena tanihi Phresidente.

Muchaviseki Phirimbiya u ndzi nyikile matimba ku yisa emahlweni ntirho lowu nga sunguriwa eka mafambiselo ya vutsevu wo seketela nhlanguano wa timhaka ta ndhavuko. Ndzi tivisa leswaku ku hlayisa ndhavuko na ndzhaka i xiphemu xa nkoka eka ntirho wa hina naswona ndzi ta endla leswi kotekaka ku yisa nhlanguano wa vurhangeri bya ndhavuko emahlweni eka vumundzuku lebyinene.

Eka malembe lawa ya nga hundza, hi vekise eka ku aka miako na ku pfuxeta tihofisi ta huvo ya ndhavuko, ku tiyisia leswaku vurhangeri bya hina bya ndhavuko byi na miako leyi byi yi lavaka ku korhokela vaaki kahle.

Eka lembeximali leri, hi kunguhate ku aka tihofisi ta huvo ya ndhavuko ta mune. Van'watikontiraka va languteriwa kuya eka tindhawu to tirhela eka tonna hi xihatla. Maxavelo ya mfumo ya ku akiwa ka hofisi ya Huvo ya Ndhavuko ya Mapela swi le ku langutisisiweni hi Ndzwulo ya Mitirho, Magondzo, na Miako

Kambe hi xavile na ku yisa timovha ta 163 eka lembeximali leri hundzeke ku nga si hela lembeximali leri, 108 ti nyiketiwile eka tihosi, loko 56 ta ha phurosesiwa, xaviwa na yisiwa ku nga si hela lembeximali leri. Timovha leti ti nyikiwa tihosi ku va kotisa ku endla mitirho ya vona hi xindzhuti na hi xichavo leswi va faneleke.

Eka lembeximali ra 2024, hi veke xikongomo xo xava vhanichara ya Tihofisi ta Huvo ya Ndhavuko ta 24. Hi tiyimiserile ku ti yisa loko vuheri byi herile.

Hi tlangerisa na ku khensisa vurhangeri bya ndhavuko ku fambisa kahle ngoma. Leswi i swihlovo swa vutinyungubyisi swa hina, tanihilaha swi kombisaka vutiyimiseri bya hina ku hlayisa mikhuva na mindhavuko ya hina hi vuhalayiseki na hi mukhuva wo xixima.

Vumbiwa na ku tlhela ku vumbiwa tihuvo ta ndhavuko ti fambisiwile erivaleni na hi nkatsos, ku tiyisisa leswaku mihiangano yi yimela hi ntiyiso miganga leyi va yi korhokelaka.

Swikhenso:

Emasungulweni ya hinkwaswo, ndzi khensa ndyangu wa mina eka nseketelo vona woka wunga tsekatseki, African National Congress, leyi ehansi ka yona hi korhokelaka vaaki va xifundzakulu lexi lava nseketelo wa vona hi nga wu tekeliki ehansi.

Eka Phirimiya Dok. Phophi Ramaduba na vatirhikulorhi eka Huvokulu, ntirhisano wa n'wina na ku tinyiketela ka n'wina swi endle matshalatshala ya hlanganelia ma humelela. Ndzi lava nakambe ku khensa Swirho swa Tikomiti ta Vuangameri

Ku khensa ko hlawuleka kuya eka Nhloko ya Ndzwulo, Dok, Modjadji Malahlela, na vatirhi lava tiyimiseleke va Ndzwulo ya COGHSTA. Ku tirha ka n'wina hi matimba i nsinya wa ku humelela loku hi ku tlangelaka namuntlha

Mahetelelo

Eku heteleleni, Muchaviseki Xipikara, ndza tinyungubyisa ku yima eka Yindlu leyi namuntlha ku andlala Mpimanyeto wa Vhoti ya 11 ya Ndzwawulo ya Mafumelo ya Ntirhisano, Matshameloy Vanhu na Timhaka ta Ndhavuko. Mpimanyeto lowu a hi tsalwa ntsena ra swa timali, Mpimanyeto lowu a hi tsalwa ra timali ntsena, kambe i kungu ro aka vumundzuku lebyinene bya vanhu hinkwavo va Limpopo.

Ndzi laha hu andlala Vhoti ya 11 ya Ndzwawulo ya Mafumelo ya Ntirhisano, Matshameloy Vanhu na Timhaka ta Ndhavuko ya lembeximali ra 2024/2025.

Mpimanyeto wa sweswi wu vekiwe eka 2.5 biliyoni, leyi nga ta engetela kuya eka R2.6 biliyoni eka lembe ximali ra 2025/26 kambe yi ta ehla kuya eka R2.5 biliyoni hi 2026/27. Tigaranti ta swipimelo sweswi ti le ka R1.1 biliyoni naswona ti ta tshama ti ri tano eka 2025/2026 yi nga si hunguteka kuya eka R1.0 biliyoni hi 2026/27. Mikavelo ya Xifundzakulu ya swirhangana ya R42 wa timiliyoni, leyi nga ta cinciwa kuya eka R30 wa timiliyoni eka havumbirhi malembeximali ya 2025/26 na 2026/27 hamambirhi.

Khani Mamba.

Inkomu.



- | | |
|--|--|
| | 0800 864 729 (Premier Hotline) |
| | 17737 (Presidential Hotline) |
| | www.coghsta.limpopo.gov.za |